

1. ხელშეკრულების დამდები მხარეები

ერთის მხრივ სსიპ თვითმმართველი ერთეული ჭიათურის მუნიციპალიტეტი (მისამართი: ჭიათურა, ნინოშვილის ქ.№7), მუნიციპალიტეტის გამგებლის სულხან მახათაძის სახით, შემდგომში „შემსყიდველი“ და მეორეს მხრივ შპს „მშენიანვესტი“ (მისამართი: საჩხერე, სოფელი მახათაური) მისი დირექტორის მურმან ტოგონიძის სახით, შემდგომში „მიმწოდებელი“.

2. ხელშეკრულების საგანი

2.1. ჭიათურის მუნიციპალიტეტის ტერიტორიაზე „სოფლის მხარდაჭერის პროგრამის ფარგლებში საქართველოს სახელმწიფო ბიუჯეტიდან ადგილობრივი თვითმმართველი ერთეულებისათვის თანხის გამოყოფის შესახებ“ საქართველოს მთავრობის 2015 წლის 19 თებერვლის №67 დადგენილების საფუძველზე ჭიათურის მუნიციპალიტეტისათვის გამოყოფილი თანხით გეზრულის, ითხვისის და ნიგოზეთის ადმინისტრაციულ ერთეულებში გზების რეაბილიტაციის სამუშაოების გამარტივებული სახელმწიფო შესყიდვა.

(კლასიფიკატორის კოდი – 45233142)

2.2. ხელშეკრულებას თან ერთვის შესასრულებელი სამუშაოების ხარჯთაღრიცხვები, რომლებიც ხელშეკრულების განუყოფელ ნაწილებს წარმოადგენენ.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს 33243 (ოცდაცამეტი ათას ორმოცდასამი) ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული სამუშაოს შესრულებასთან დაკავშირებულ ყველა ხარჯს, საქართველოს კანონმდებლობით გათვალისწინებულ გადასახადებს.

4. ხელშეკრულების შესრულების პირობები

მიმწოდებელი ვალდებულია:

4.1. ხელშეკრულებით გათვალისწინებულ ვადაში განახორციელოს ხელშეკრულების საგნად მიჩნეული სამუშაოს შესრულება.

4.2. სამუშაოები შეასრულოს ხარჯთაღრიცხვის შესაბამისად.

4.3. „შემსყიდველის“ მოთხოვნის შემთხვევაში ხელშეკრულებით ნაკისრი ვალდებულებების შესრულების მიმდინარეობის შესახებ წარუდგინოს მას ინფორმაცია.

4.4. სამუშაოები დაასრულოს 2015 წლის 13 ოქტომბრამდე.

შემსყიდველი ვალდებულია:

4.5. აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადებში და ფორმით.

5. მხარეთა უფლებები

შემსყიდველს უფლება აქვს:

5.1. აწარმოოს შესრულებული სამუშაოს და მიწოდებული საქონლის ხარისხისა და მოცულობის კონტროლი ხელშეკრულების შესრულების ნებისმიერ ეტაპზე.

მიმწოდებელს უფლება აქვს:

5.2. ხელშეკრულების ფარგლებში მოითხოვოს დროული და სრული დაფინანსება.

6. ანგარიშსწორება

6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.

6.2. ანგარიშსწორება მოხდება მიმწოდებლის წერილობითი მომართვის საფუძველზე, რომელსაც უნდა დაერთოს:

ა) მიღება-ჩაბარების აქტი;

ბ) ანგარიშ-ფაქტურა ან სასაქონლო ზედნადები;

გ) შემსყიდველის მიერ მოთხოვნილი სხვა დოკუმენტაცია.

6.3. ანგარიშსწორების ვადაა მიმწოდებლის მიერ საფინანსო დოკუმენტაციის წარმოდგენიდან არა უმეტეს 20 დღე.

6.4. მხარეთა შეთანხმების საფუძველზე დასაშვებია წინასწარი ანგარიშსწორება, ხელშეკრულების ღირებულების არაუმეტეს 10%-ისა, რაზეც მიმწოდებელმა უნდა წარმოადგინოს საავანსო თანხის ოდენობის საბანკო გარანტია.

6.5. ანგარიშსწორება შეიძლება განხორციელდეს ეტაპობრივად.

7. შესყიდვის ობიექტის მიღება-ჩაბარების წესი

7.1. შემსყიდველი შესყიდვის ობიექტის მიღებას აწარმოებს მიმწოდებლის მიერ ფაქტიურად შესრულებული სამუშაოს და მიწოდებული საქონლის მიხედვით.

7.2. შესრულებული სამუშაო და მიწოდებული საქონელი მიღებულად ჩაითვლება მხოლოდ მიღება-ჩაბარების აქტის, სასაქონლო ზედნადების ან ანგარიშ-ფაქტურის წარმოდგენის შემდეგ.

8. დაუძლეველი პირობები

8.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველი პირობების გარემოების შედეგი.

8.2. „დაუძლეველი პირობები“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.3. დაუძლეველი პირობების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ დაუძლეველი პირობების ზეგავლენისაგან.

9. ხელშეკრულების პირობების შეუსრულებლობა

9.1. დაუძლეველი პირობების გარდა, მიმწოდებლის მიერ დადგენილ ვადაში სამუშაოს შეუსრულებლობის შემთხვევაში მიმწოდებელი ჯარიმდება და ყოველი ვადაგადაცილებული დღისთვის იხდის ხელშეკრულების ჯამური ღირებულების 0,1%-ს, ხოლო ხელშეკრულებით განსაზღვრული ვალდებულებების თვითნებურად შეწყვეტის შემთხვევაში 10000 ლარს.

9.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისგან.

10. სადაო საკითხების გადაწყვეტა

10.1. შემსყიდველმა და მიმწოდებელმა ყველა დონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოავარდნენ მათ შორის წარმოქმნილი ყველა უთანხმოება და დავა, ხელშეკრულების ან მასთან დაკავშირებული სხვა კომპონენტის ირგვლივ.

10.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

11. ხელშეკრულების შესრულების კონტროლი

11.1. შემსყიდველს უფლება აქვს, განახორციელოს ხელშეკრულების შესრულების მიმდინარეობის კონტროლი ხელშეკრულების შესრულების ნებისმიერ ეტაპზე კანონმდებლობით დადგენილი წესით.

11.2. მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა. ასევე უზრუნველყოს საჭირო სამუშაო პირობები. იმ შემთხვევაში თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

11.3. მიმწოდებელი ვალდებულია, საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

12. ხელშეკრულებაში ცვლილებების შეტანა

12.1. არავითარი ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით დადგენილი შემთხვევებისა „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. ხელშეკრულების შეწყვეტა

13.1. შემსყიდველი უფლებამოსილია, შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების 13.1. პუნქტით გათვალისწინებულ შემთხვევაში მიმწოდებელი თავისუფლდება ძირითადი ვალდებულებების შესრულებისაგან, ჯარიმდება ხელშეკრულებით გათვალისწინებული სამუშაოს დასრულების ვადიდან ხელშეკრულების შეწყვეტის დღემდე და იხდის ხელშეკრულების ჯამური ღირებულების 0.1%-ს.

13.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

13.4. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. გამოყენებული სამართალი

14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა ხელმოწერის დღიდან.

15.2. ხელშეკრულების მოქმედების ვადა განისაზღვრება 2015 წლის 30 ნოემბრამდე.

16. დამატებითი პირობა

16.1. ხელშეკრულება შედგენილია ორ ეგზემპლარად და თითოეულ მათგანს თანაბარი იურიდიული ძალა აქვს.

16.2. ხელშეკრულების ერთი ეგზემპლარი ინახება „შემსყიდველთან“, ერთი – „მიმწოდებელთან“.

17. მხარეთა რეკვიზიტები

„შემსყიდველი“

„მიმწოდებელი“

სსიპ თვითმმართველი ერთეული
ჭიათურის მუნიციპალიტეტი

შპს „მშენივნესტი“

მისამართი: ჭიათურა, ნინოშვილის ქ. №7
საიდენტიფიკაციო კოდი 215609544
სს „პრივატბანკის“ ჭიათურის სერვისცენტრი
ბანკის კოდი: SAVOGE22
ანგარიშის № GE86TP0033030020000003
ტელ.: 0 479 251554, 0 479 251081

მისამართი: საჩხერე, სოფელი მახათაური
საიდენტიფიკაციო კოდი 439395600
სს „ლიბერთი ბანკი“
ბანკის კოდი: LBRTGE22
ანგარიშის № GE57LB0113114468777001
ტელ. +995 551 400 740

მუნიციპალიტეტის გამგებელი
სულხან მახათაური

დირექტორი
მურმანი ტოგონიძე



გეზრულის ტ.ო. ფექიალაძეების უბანში გზების დაბეგონება

[illegible]

ითხვისის ტ.ო. სოფ. ითხვისის- ბიბიაშვილები-ფხალაძეების უბანში გზის რეაბილიტაცია

[illegible]

ითხვისის ტ.ო. სოფ. ბჟინევი, ღომიძეების უბანში გზის რეაბილიტაცია

[illegible]

ნიგოზეთის ტ.ო. სოფ. ნიგოზეთში ცხოვრებადები-ბლუაშვილების უბანში გზის მობეტონება

[illegible]

ნიგოზეთის ტ.ო. სოფ. გუნდაეთში ხროხის უბანში გზის დაბეჭონება

[illegible]

ნიგოზეთის ტ.ო. სოფ. უსახელო-ოქროს უბანში გზის დაბეჭდონება

[illegible]

ნიგოზეთის ტ.ო. სოფ. უსახელო-წერეთლების უბანში გზის დაბეჭონება

[illegible]

ნიგოზეთის ტ.ო. სოფ. უსახელო- რკვიანას ეკლესიაზე მისასვლელი გზის დაბეტონება

[illegible]

ნიგოზეთის ტ.ო. სოფ. წყალშავი- კახელიშვილების უბანში გზების დაბეჭონება

[illegible]